

गिरधारी म्हारा सांवरा...

गिरधारी म्हारा सांवरा..

गिरधारी म्हारा सांवरा, थारी लीला अपरंपार,
कोई पार कोनी पायो जी, सांवरिया सरकार..
बनवारी म्हारा सांवरा...

हिरण्याकसिपु कष्ट दियो, प्रह्लाद भगत पर आंच - 2
नरसिंह बन उदर ने फाड्यो जी, सांवरिया सरकार..
नरसिंह को रूप धर मार्यो जी... सांवरिया सरकार
गिरधारी म्हारा सांवरा...

मगर को मार्यो, तने पुकार्यो, भक्त थारो गजराज - 2
थे गज को फंद छुड़ायो जी, सांवरिया सरकार..
गिरधारी म्हारा सांवरा...

दुस्सासन जब हरबा लाम्यो, द्रौपदी री लाज - 2
बहणा रो चीर बढ़ायो जी, सांवरिया सरकार..
भगतण री लाज बचायो जी, सांवरिया सरकार..
गिरधारी म्हारा सांवरा...

नरसी टेर लगायो जद, बेटी री टूटी आस - 2
थे चोरखो भात भरायो जी, सांवरिया सरकार
नानी रो भाई बण आयो जी, सांवरिया सरकार..
गिरधारी म्हारा सांवरा...

गोविन्द थांको दास लगावे अरजी बारंबार - 2
म्हाने भव सूं पार लगाज्यो जी, सांवरिया सरकार
भगतां ने दरस दिखाज्यो जी, सांवरिया सरकार

Bhajan by : Govind Singh Negi (Gopalbandhu Das)
Singer : Sukhiram Manda, Nagaur

<https://bhajanganga.com/bhajan/lyrics/id/34398/title/girdhari-mhara-sanwara>

अपने Android मोबाइल पर [BhajanGanga](#) App डाउनलोड करें और भजनों का आनंद ले |